

تبریز اۆلكه نین سلامت تورستی قوطبی اولور

اۆلكه نین توریزم مشورت شوراسی نین عضوی دئدی: تبریز شهری اۆلكه ده یوخاری طبّی موقعیتینه گؤره، تخصصی مرکز لرین دوزلمه سی و توسعه سی اینن اۆلكه نین سلامت تورستی قوطبینه چئوریلیر.

تراب محمدی تبریزده فارس خبرنیگاری اینن دانیشیقدا دئدی: شرقی آذربایجانین سلامت توریزمی زمینه سینده بالقوه ایمتیازلاری وار کی بو ایمتیازلارین اوستونده موتمرکز اولسام موقی صورتده درمان توریزمی عرصه سینده آدیم آتار. او بونو دئماغینان کی ایندیلیقدا شرقی آذربایجان، اۆلكه نین درمان توریزمی زمینه سینده بیر قوطب ساییلیر، اوستاندا تخصصی طبّی مرکز لرین دوزلمه سی و توسعه سیندن خبر وئردی. محمدی بین المیللی ایقامت و درمان مرکزی کیمی «آی پی سی» مرکزی نین دوزلمه سیندن خبر وئردی و آرتیردی: بو مرکزین آچیلماسی اینن، اوستانا گلن درمان توریزتلرین داها ایقامت موشکوللری اولمایاجاق. اۆلكه نین توریزم مشورت شوراسی نین عضوی بونا ایشاره ائله ماغینان کی همسایا اۆلكه لر او جومله دن ترکیه و آذربایجاندا هر ایل چوخلی موسافیر درمان اوچون تبریزه گلیرلر، بو طرحین ایجرا سینن، تبریزین درمان توریزمی قوطبینه چئوریلمه سینده موهوم آدیم بیلدی. محمدی آرتیردی: درمان خرجی چوخلی اۆلكه لرده مخصوصاً اروپادا چوخ باهادیر و آی پی سی مرکزین دوزلمه سی درمان هزینه سینن آزالتماق اوچون معمول یوللارداندیر. شرقی آذربایجانین فرهنگی میراث، ال ایشلری و توریزم ایداره سی نین مودیر کوئی بین المیللی درمان مرکز لرین توریزم زمینه سینده کی نقشینه ایشاره ائدیپ دئدی: اوستانین مخصوص موقعیتینه گؤره درمانی توریزمه دیقت ائله ماق چوخ ضروری گؤروشور.